

Leev Schwestere un Bröder,
dot üüre Glaube an unsere Häär Jesus Christus
nit dodurch belaste,
dat ehr Ungerscheede maht zwesche de Minsche!
Wann en üür Zosammekunf
 en opgeblose Lackaap met golde Ringe
 un staatse Kledage kütt,
 un zoglich kütt ene Äärme en dreckelige Pluute
 un ehr luurt nur op dä Käääl met de staatse Kledage
 un ehr saht: Dun dich he op die gode Plaatz setze!,
 un för dä Äärme saht ehr: Do kanns do en der Eck stonn!
 oder: Setz dich op de Ääd! –
maht ehr dann nit ungerenein Ungerscheede,
die sich nit gehööre?
Opgepass!
Der Herrgodd hät die Äärme op der Welt usgewählt,
öm se durch ehre Glaube rich zo maache
un zo Erve vum Reich Goddes.
Dat hät hä denne versproche, die in gään han.

Su wigg de hellige Wööd.
(Dank sei Gott)